

# ՀԱՅԱՍՏԱՆԻ ՆԵՐԳԱՂԹԸ

## ԿԸ ՍԿՍԻ

ՁԵԿՈՅՑ Հ. Բ. Ը. ՄԻՈՒԹԵԱՆ

Բ.

հետ շփում պահելով մեծազէս նպաստեց գաղթականներու տեղափոխման, տուներու շինութեան ու պահպանման գործերուն: Փոխադրութիւններ կատարեց, տուներ շինեց, առողջապահական միջոցներ ապահովեց, անօթիներ կերակրեց, դարձնատուներ հաստատեց, սերմնցու կազմակերպեց, արտասահմանի, մանաւանդ Ամերիկայի աղգականներու հետ դրամական օգնութեան խորովակ ծառայեց, եւ, բաղմապիտի կերպերով, պահապանութիւնը բրաւ այս ժողովուրդի կեանքին: Մեր հաշուեցուցակները պարզ վկայ են թէ ինչպէս Հ. Բ. Ը. Միութիւնը անխարական օգիտի բոլորին հաւասար կերպով օգնած է եւ բոլորը իրեն կապած անկեղծ համարումով:»

Սուրիոյ եւ Լիբանանի Մալաբիայի Բոնթրոլի գործը, որ աւագ կարեւորութիւն ունի այդ ճահճախուտ երկրին մէջ ուր մալաբիան աւերներ կը գործէր մանաւանդ հայ կայաններու մէջ, Հ. Բ. Ը. Միութեան լաւագոյն ձեռնարկներէն մին եղած է, որուն Հասարակ Գարակէօղեան Հիմնարկութիւնը սիրալոյսով արամադրած է իր նիւթական օժանդակութիւնը: Մասնաշատուկ Յանձնախումբը, որուն գլուխը կը գտնուին Տոքթ. Յ. Եէնիգոմշեան եւ Տոքթ. Տ. Պէրպէրեան, իր վերջին տեղեկագրովը կը մանրամասնէ այն շատ գնահատելի ծառայութիւնը զոր այս ձեռնարկը ընծայած է մալաբիայի դէմ մղուած առողջապահական պայքարին շնորհիւ: 1945-ին այդ նրպատակին համար ծախսուած է 14808 տոլար եւ ներկայ տարուան համար կը նախատեսուի 16900 տոլար, որուն 5149 տոլարը միայն պատրաստ է:

12.- Հ. Բ. Ը. Միութեան կողմ

մէ ընձեռուած այլազան օգնութեանց կարգին, պատերազմին սկիզբը Բարիդի կեդր. Վարչութեան կողմէ դրամական նուէրներ ղրկուեցան Հայ զինուորներու, յետոյ Բարիդէն եւ թէ Մարսէլէն Հայ դերիներուն բաղմաթիւ ծրարներ ղրկուեցան, իսկ զինուորի եւ կարօտ ընտանիքներու, ինչպէս եւ մտաւորականներու պարբերաբար նպաստներ յատկացուեցան:

Վերջին ամիսներու ընթացքին եւս, Միութեան Նիւ Եորքի Տիկնանց կեդր. Յանձնախումբին միջոցաւ Ֆրանսա, Յունաստան եւ այլն, ուտեստեղէնի 146 ծրարներ ղրկուեցան, գլխաւորաբար յօգուտ մտաւորականներու, եւ այդ սպասարկութիւնը դեռ կը շարունակուի: Բաց աստի, կեդր. Վարչութեան կողմէ 1000 տոլար տրամադրուեցաւ Ֆրանսարեակ մտաւորականներու ի նպաստ:

13.- Իբրեւ լրացուցիչ տեղեկութիւն, կ'աւելցնենք թէ Մելգոնեան կրթ. Հաստատութեան 348 չրջանաւարտներէն ոմանք Եւրոպայի մէջ համալսարանական բարձր ուսումներու եւ մասնագիտութեանց հետեւելով, որպէս Նուպարեան սաներ, տարիներ առաջ Հայաստան մեկնեցան եւ փայլուն դիրքեր գրաւեցին, ուրիշներ եւս կը պատրաստուին ծառայել Հ. Բ. Ը. Միութեան, գլխաւորաբար Մելգոնեան Հաստատութեան մէջ պաշտօններ ըստանձնելով: Առ հասարակ Վարժապետանոցէն չրջանաւարտ եթ ղող սաները Սուրիոյ եւ Լիբանանի աղգային վարժարաններուն մէջ ուսուցչական պաշտօններ կը վարեն եւ ուրիշներ գործի աշխարհին մէջ յաջողութիւններ կը ունենան:

Վարիչ-Պատուիրակ  
Վ. ՄԱԼԷՉԵԱՆ